

KEMPEN PB PINDAHAN BERTELEGRAF ASING

TERMA DAN SYARAT

Terma dan syarat yang berikut mengawal “Kempen PB Pindahan Bertelegraf Asing” (“Kempen”) yang ditawarkan oleh Public Bank Berhad No. Pendaftaran Syarikat 196501000672 [6463-H] (“PBB”) dan Public Islamic Bank Berhad No. Pendaftaran Syarikat 197301001433 [14328-V] (“PIBB”) kepada pelanggan:-

1. Tempoh Kempen

- 1.1 Kempen ini akan berlangsung dari **1 Januari 2023** hingga **30 Jun 2023**, termasuk kedua-dua tarikh (“Tempoh Kempen”).

2. Kelayakan

- 2.1 Peserta yang berikut layak untuk mengambil bahagian dalam Kempen ini:

- a) Semua pengguna PBe Online Banking (PBe) termasuk empunya tunggal yang mengekalkan Akaun Semasa atau Akaun Simpanan (CASA) atau Akaun Semasa-i atau Akaun Simpanan-i Islam peribadi (CASA-i) dan kakitangan tetap atau kontrak PBB, PIBB dan Public Investment Bank Berhad (PIVB) (“Peserta yang Layak”).

- 2.2 Mereka yang berikut **TIDAK** layak untuk mengambil bahagian dalam Kempen ini:

- a) Pelanggan bukan individu iaitu perkongsian, entiti korporat, persatuan, kelab, sekolah dan pertubuhan;
- b) Orang yang tidak waras;
- c) Orang yang telah diisytiharkan bankrap atau mempunyai prosiding guaman dalam apa jua bentuk terhadapnya; dan
- d) Orang yang akaunnya dipegang oleh PBB atau PIBB culas atau tidak disenggara dengan memuaskan seperti yang ditetapkan oleh PBB atau PIBB.

- 2.3 Peserta yang Layak mesti mendaftar dirinya melalui PBe untuk menyertai Kempen ini.

- 2.4 Kempen ini diterima pakai bagi urus niaga **Kiriman Wang Keluar Dalam Talian iaitu Pindahan Bertelegraf Asing Luar (FTT)** yang dijalankan melalui laman web PBe sahaja.

2.5 Urus niaga yang dibuat melalui Kiriman Wang Keluar FTT tidak dilindungi oleh Perbadanan Insurans Deposit Malaysia.

3. Butir-butir Kempen

3.1 Peserta yang Layak boleh menikmati **diskaun sebanyak 50% bagi caj kabel** untuk semua urus niaga Kiriman Wang Keluar FTT yang dijalankan melalui PBe semasa Tempoh Kempen ini.

3.2 Diskaun sebanyak 50% bagi caj kabel untuk Kiriman Wang Keluar FTT itu adalah seperti yang berikut:

Amaun Urus niaga	Jenis Mata wang	Diskaun sebanyak 50% bagi Caj Kabel	Komisen setiap Urus niaga	Jumlah Caj
RM5,000 setara dan ke bawah	Semua Mata wang bagi Tujuan Pendidikan	RM5	RM2	RM7
	SGD	RM7.50	RM2	RM9.50
	Mata wang lain untuk Semua Tujuan	RM15	RM2	RM17
Lebih daripada RM5,000 setara	Semua Mata wang bagi Tujuan Pendidikan	RM5	-	RM5
	SGD	RM7.50	-	RM7.50
	Mata wang lain untuk Semua Tujuan	RM15	-	RM15
Melebihi RM10,000 setara (diterima pakai bagi tujuan Kiriman Wang Pekerja)	Semua Mata wang	RM5	-	RM5

4. Terma dan Syarat Am

4.1 Dengan mengambil bahagian dalam Kempen ini, Peserta yang Layak bersetuju untuk terikat dengan terma dan syarat ini dan terma dan syarat yang mengawal Kiriman Wang Keluar FTT (termasuk apa-apa pindahan, perubahan dan/atau semakan semula terma dan syarat berkenaan). Sekiranya terdapat ketidakseragaman antara terma dan syarat ini dengan terma dan syarat yang mengawal Kiriman Wang

Keluar FTT, terma dan syarat ini akan diterima pakai bagi tujuan Kempen ini.

- 4.2 Peserta yang Layak mengakui dan bersetuju bahawa rekod urus niaga yang disenggara oleh PBB dan PIBB, dan keputusan PBB dan PIBB berkaitan dengan apa-apa perkara mengenai Kempen ini adalah muktamad, konklusif dan mengikat ke atas mereka. PBB dan PIBB tidak akan melayani apa-apa rayuan atau suratmenyurat daripada mana-mana Peserta yang Layak dan/atau pihak ketiga.
- 4.3 Peserta yang Layak bersetuju dan memberi keizinan kepada PBB dan PIBB untuk memproses, mengumpul, menggunakan dan menyimpan semua maklumat Peserta yang Layak yang diberi dalam borang kiriman wang tersebut bagi tujuan Kempen ini.
- 4.4 PBB dan PIBB tidak akan bertanggungjawab mahupun menerima apa-apa liabiliti dalam apa juga bentuk dan walau bagaimana sekali pun yang timbul atau dialami oleh Peserta yang Layak dan/atau pihak ketiga yang disebabkan secara langsung atau tidak langsung daripada Kempen ini kecuali disebabkan oleh kecuaiannya atau salah laku yang disengajakan oleh PBB dan PIBB secara khusus berkaitan dengan Kempen ini.
- 4.5 PBB dan PIBB tidak akan dipertanggungjawabkan bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan Kempen ini yang disiarkan dalam mana-mana media massa, bahan pemasaran atau pengiklanan.
- 4.6 Sejauh mana dibenarkan oleh undang-undang, PBB dan PIBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa penghadan terhadap apa-apa yang diterbitkan dalam media massa, bahan pemasaran atau pengiklanan, termasuk tetapi tidak terhad pada apa-apa jaminan kualiti, kebolehdagangan atau kesesuaian untuk sesuatu tujuan berkaitan dengan Kempen ini.
- 4.7 Sekiranya terdapat ketidakseragaman antara terma dan syarat ini dengan apa-apa pengiklanan, kempen, promosi, publisiti dan bahan lain berkenaan atau berkaitan dengan Kempen ini, terma dan syarat ini akan diterima pakai.
- 4.8 PBB dan PIBB berhak untuk:
 - a) membuat penambahan, memotong atau mengubah terma dan syarat ini, dari semasa ke semasa, sepenuhnya atau sebahagiannya, dengan memberi notis awal selama dua puluh satu (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau kaedah lain yang akan ditentukan oleh PBB / PIBB dari semasa ke semasa.

- b) membatalkan, menarik balik, menggantung atau menamatkan Kempen ini sebelum berakhirnya Kempen ini, sepenuhnya atau sebahagiannya, dengan memberi notis awal selama dua puluh satu hari (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau kaedah lain yang akan ditentukan oleh PBB / PIBB dari semasa ke semasa. Bagi mengelakkan keraguan, apa-apa pembatalan, penarikan balik, penggantungan atau penamatan tersebut tidak akan melayakkan Peserta yang Layak untuk apa-apa tuntutan atau ganti rugi terhadap PBB / PIBB bagi mana-mana dan semua kerugian atau ganti rugi yang ditanggung atau dialami oleh Peserta yang Layak.

4.9 Terma dan syarat ini akan dikawal dan ditafsir menurut undang-undang Malaysia dan Peserta yang Layak bersetuju untuk mematuhi bidang kuasa bukan eksklusif mahkamah di Malaysia.

4.10 Peserta yang Layak boleh membaca Notis Kerahsiaan PBB / PIBB yang menyatakan bagaimana PBB / PIBB menggunakan maklumat Peserta yang Layak dalam laman web PBB / PIBB atau di mana-mana cawangan PBB / PIBB.

Ruang Selebihnya Pada Muka Surat Ini Sengaja Dibiarkan Kosong
